

UNDERSKOGEN

Eggenipa 4H vart Årets 4H-klubb

10.03.07

Gloppen: Fylkesstyret i Sogn og Fjordane 4H har kåra Eggenipa 4H-klubb på Byrkjelo som Årets 4H-klubb i fylket.

Fylkesstyret kårar kvart år Nordfjord-, Sunnfjord- og Sognemeister. Av desse tre blir ein vald til Årets klubb i 4H Sogn og Fjordane. Å velje ut desse mellom alle klubbane i fylket er ingen lett jobb, og fylkesstyret brukar mykje tid på vurderinga. Under kåringa vert det teke omsyn til mellom anna fagaktivitetar, tilskipingar for klubben og for andre og deltaking på arrangement elles i 4H-organisasjonen. Tinnkruset som er det synlege beviset på at ein klubb vert kåra til Årets klubb vert i år gjeve av Felleskjøpet Øst/Vest.

Aktiv klubb

Eggenipa 4H er ein aktiv 4H-klubb som held til på Byrkjelo. I alt er det 44 medlemmar i klubben og i 2006 hadde dei 8 styremøte, 7 medlemsmøte, 5 arrangement for heile klubben og 2 arrangement med overnatting. I tillegg hadde ei gruppe oppussing av klubbrommet som 4H-prosjekt og møttes jamleg.

Noko av det Eggenipa 4H har drive med er:

*Bowlingtur til Førde

*Skikveld på Utviken, inviterte dei andre klubbane i Gloppen til å vere med

*Pangstart saman med 4H-klubbane i Gloppen

*Vertskap for regionmøte

*Pangstart for aspirantane saman med Snønipa 4H

*Badetur til Førde

*Grilling og fisking ved Gravarvatnet

*Natursti på Byrkjelo jonsokafta

*Grilla og selde fisk saman med Jakt og fiskelaget på Breim på Fjordhestgarden 5 gonger + countryhelga

*Overnattingstur på Eggstøylen

*Natursti for TineMeieriet – for betaling

*Stand på Sandanedagane i lag med Gloppen 4H-nemnd



Eggenipa 4H vart kåra til Årets 4H-klubb i Sogn og Fjordane. Her frå haustfesten. (Privat foto)

Kjellarbandet tek steget opp

Av Heidi Ravnestad, 27.12.07


Breim: Då dei byrja for vel eit år sidan hadde storparten av medlemmane i The Naked Inhabitants ikkje teke i eit instrument før. Men på nyttårsaftan er dei klare for å halde konsert på Gjestehimmen på Byrkjelo.

Sidan starten i oktober 2005 har dei øvd og øvd. To til tre gongar i veka møtest dei seks ungdomane på Gjestehimmen på Byrkjelo, der dei heilt gratis får disponere eit øvingsrom i kjellaren.

Ni egne låtar

Bandet har allereie hatt fleire konsertar. Dei har vore med på Hornindalsrock, Din Jølsterdag, Musikkens Dag på Sandane og haustmarknaden på Norsk Fjordhestgard. Då bandet hadde eittårs jubileum i slutten av oktober, inviterte dei til jubileumskonsert på Gjestehimmen, og over hundre personar betalte seg inn. Nyttårsaftan er dei igjen klare for konsert på same stad, og då med endå fleire egne sjølvlagde låtar på repertoaret.

– Vi held på med slutføringa av to låtar, og då har vi ni egne låtar som vi kan framføre på konserten. Dessutan blir det også nokre coverlåtar, fortel Robert Skinlo, trommeslagar i bandet.



F.v. Ozan Drøsdal (keyboard og vokal), Jan-Sebastian Hole (bass og vokal), Robert Sunde (trommer), Eskil Skinlo (vokal) og Kurt Inge Hjelle (gitar). Bandmedlem Alexander Skinlo var ikkje til stades då biletet vart teke.

<http://www.firdatidend.no/nyhet.cfm?nyhetid=4108>

Alvor og ablegøyer på russetreff

Sogn Avis 24.5.2005

....I tillegg til dei meir «seriøse» standane til politiet, Statens vegvesen og ambulansen, kan russen utfalde seg med riding på hest, høypallerulling, paintball og køyring med firehjuling.

Russetreffet på Breim er det første i sitt slag, for russ i heile fylket, og med informativt opplegg i tillegg til konsert og anna moro.

-Vi ville skape eit alternativ der russen kan samlast for seg sjølv, utan at andre øydelegg for dei og russen får skulda, fortel Per Svein Reed, ein av initiativtakarane til treffet.

Dugnad og kyssing

Han fortel at det er Norsk Fjordhestgard som står som arrangør, bygdekvinnelaget tek seg av sal av mat og drikke, medan Breimsbygda I.L. stiller med vakter. Fylkeskommunen sitt tilbod, «Heim for ein 50-lapp» er ein del av opplegget.

http://www.sognavis.no/lokale_nyhende/siste_firda/article1556970.ece?service=print

Markerer 25 års jubileum med "ny" butikk

[Av Jan Nik. Hansen](#), 15.02.08

Gloppen: Det er 25 år sidan ekteparet Åse Berit og Jon Myklebust tok over bakeriet og butikken på Byrkjelo. Det vert markert med opprusting og om-møblering av heile lokalet. "Bakaren" på Byrkjelo er eit omgrep langt utover Breim.

Ikkje berre dei lokale legg turen innom Spar-butikken når dei skal ha godt bakverk. Folk som køyrer forbi, svingar også ofte innom. Strategisk lokalisert rett ved gjennomfartsåra E39 er det fort gjort. I brødhyllene til Bakaren finn folk det som kan karakteriserast som heimebakst, større er ikkje produksjonen. Sjølv om Spar Byrkjelo har alle andre varer, og ein kafeteria i tillegg, er det liksom bakeriet som løfter butikken framom andre.

<http://www.firdatidend.no/nyhet.cfm?nyhetid=4268>



Åse Berit og Jon Myklebust har drive Spar Byrkjelo i 25 år. Jubileet vert markert ved å omstrukturere butikken (Foto: Nikita Solenov).

Coop Breim best i 2004

Coop Marknad Reed på Breim vart kåra til den beste butikken i Bergen salsdistrikt for 2004.

http://www.firda.no/nyhende/toppsak_framside/article1503320.ece

Kåra til landets beste ByggMix

Av Oddleif Løset, 30.01.06

Gloppen: ByggMix Byrkjelo gjekk i fjor heilt til topps i kjeda si eiga evaluering av butikkane sine. Med eit snitt på 215 av 250 poeng vann breimningane med eit hestehovud føre ByggMix Tretten.

<http://www.firdatidend.no/nyhet.cfm?nyhetid=868>

– Oreigning er eit drastisk steg

Av Inger Haldis Aske Iothe, 28.10.08

Gloppen: Med seks mot tre røyster går Gloppen formannskap imot at Nærings- og handelsdepartementet oreignar midtpartiet i Breimsfjellet slik at Nordfjord Skifer får bruksrett til uttak av stein og skifer her. – Oreigning er eit drastisk steg å gå til, seier Per Jarle Myklebust (Sp).

Nordfjord Skifer AS driv uttak av stein på to område ved Sagefloten, men ønskjer no å utvide drifta til også å gjelde midtpartiet i Breimsfjellet.

Verksemda har difor søkt Nærings- og handelsdepartementet om oreigning av bruksrett til drift av ikkje mutbare mineralske ressursar. Departementet har sendt saka på høyring, mellom anna til Gloppen kommune. Rådmannen er positiv til ei oreigning av bruksretten på den delen av gbnr. 79/5 og 6 som ligg mellom eksisterande uttaksområde.

– Ser ein på området som ligg mellom dei to uttaksområda, er det kanskje naturleg å vinne ut heile området på ein gong. Men oreigning av bruksrett er eit drastisk steg å gå til. Nordfjord Skifer gjekk inn i dette med opne auge då dei starta steinbrotet i Breimsfjellet. Dei har heile tida visst at denne grunneigaren var negativ til steinbrotet. Senterpartiet meiner at ei oreigning skal sitje langt inne, og vil foreslå at formannskapet går imot dette, sa Per Jarle Myklebust.

<http://www.firdatidend.no/nyhet.cfm?nyhetid=5062>



Per Jarle Myklebust fekk fleirtal for å gå imot oreigning av bruksrett i Breimsfjellet. Frå venstre: Ola Holme, Per Jarle Myklebust, Kari Jordanger, Solveig Moritsgård og rådmann Marit Elisabeth Larssen.

Tomteprisane i Breimslia er femdobla

[Av Jan Nik. Hansen](#), 08.11.06

Gloppen: I starten vart hyttetomtene i Breimslia hyttefelt selde for 50.000 kr, pluss tilkoplingsavgift. I dag går tomtene for 250.000 kr, og det er bygt hytter for over 50 mill. kr.

Gunnar Hole er mannen bak det største hyttefeltet i Gloppen til no. I reguleringsplanen for feltet var det regulert inn 50 hytter, men no er det søkt om løyve til å utvide med 16 hytter til.

– Det er søkt om dei nye tomtene for å få ei betre utnytting av grunnlagsinvesteringane. Framføring av veg, vatn og kloakk kostar det same enten det er 50 eller 60 hytter, seier Hole. Han meiner det er godt mogeleg å fortette feltet noko sidan det var god plass mellom hyttene.



<http://www.firdatidend.no/nyhet.cfm?nyhetid=2511>

Fleire hytter

[Av Bjørn Grov](#), 10.11.06

Leiar: "Vi ser stadig surmuling i media frå ulike hald over denne utviklinga, det blir nærast framstilt som at heile den norske naturen er i ferd med å bli nedbygt av hytter. Vi forstår det ikkje.

Tomteprisen i Breimslia hyttefelt er blitt femdobla sidan starten. I dag er snittprisen 250.000 kr. Det er likevel om lag 100.000 kr under snittprisen i Bøanedsetra Hyttegrend i Stryn.

Plass og utmark har vi i alle fall rikeleg av i dette landet, når folk kjem seg nærare naturen og brukar den meir er berre positivt, det burde også auke forståinga i samfunnet for dei kvalitetane som ligg i bygdene. Når enkelte vil gjere det på meir komfortabelt vis enn andre hytteeigarar er det deira val, at dette er ei moderne form for distriktsutbygging og styrkar mange lokalsamfunn er det heller ingen tvil om.

Sjølvsagt må slike hytteområde planleggast og regulerast på skikkeleg vis, men når det er gjort er det berre å køyre på. Det er klart at den hytteboomen vi ser i dag ikkje vil vare evig, den har også samband med økonomiske oppgangstider og låg rente, men framleis er her eit stort potensiale. Breimslia var tidleg ute, og i dag kan ein hauste vinstane av ei satsing som ikkje berre var populær i starten.

Gunnar Hole fortener honnør for den jobben han har gjort i Breimslia. Her er enno plass til mange hytter med panoramautsikt over Breim og skitrekk som nabo, og vi veit at fleire felt er under planlegging av grunneigarar. Det er bra. At det vert lagt kloakk frå feltet til det kommunale kloakkanlegget er også viktig og svært positivt for ei vidare utvikling. Det ligg til rette for mange nye hytter i fjellsida her, det gjev positive ringverknader til lokale bedrifter og for den lokale handelsnæringa. I Jølster veit vi at fleire felt med hundrevis av hytter er under planlegging, der skal ein no lage ein samla plan for dette. Med unntak for Breimslia og nokre mindre felt elles i kommunen, har ein i Gloppen vore litt treige med å sjå det potensialet som ligg i hyttemarknaden, som kan vere minst like interessant som masseturismen, hyttefolket betaler trass alt investeringane sjølve og dei blir her. Ved sida av Breimslia og område knytt til Utvikfjellet, er det ingen tvil om at her er potensiale både kring Gloppefjorden og i Hyen til større hyttefelt.

For grunneigarar og bønder som slit, kan dette vere ein måte å foredle utmarksressursar på. Her i kommunen ligg ein heilt i tet på småkraft, det er glimrande. Hytteutbygging i ein kommune med så mykje variert og fantastisk natur må framleis ha eit stort potensial, men det er ein jobb som må gjerast både med planlegging, utbygging og marknadsføring. Det er dette dei no kan hauste av i Breimslia."

<http://www.firdatidend.no/nyhet.cfm?nyhetid=2520>

Plan for småbåthamn er klar

Av Inger H. Aske Lothe, 01.05.07

Gloppen: Prosjekt Systemer har no levert eit framlegg til reguleringsplan for Dåveløkjen friluftsområde og småbåthamn til Gloppen kommune. I småbåthamna ved Breimsvatnet skal det vere plass til 40 båtar, og reguleringsplanen inneheld også badeplass.

Området som er omfatta av planframlegget ligg på garden mellom Breimselva og Breimsvatnet. Mot sør grensar området mot Reed Camping, mot nord grensar området til dyrka mark.

Til glede for ålmenta

Ola Hetle er grunneigar for arealet som ligg innanfor planområdet. Inge Johnsen er nabo og eigar av Reed Camping. Begge er oppført som tiltakshavarar for planarbeidet.

– Bakgrunnen for planframlegget er fyrst og fremst at Breim Småbåtlag ynskjer å etablere småbåthamn for medlemmene. I tillegg ynskjer grunneigarane at området kan planleggjast og stellast i stand til nytte og glede for ålmenta og som eit triveleg naboareal for campinggjestene. Det arealet som Ola Hetle eig i dette området er for lite til å drive rasjonelt jordbruk. Han er positiv til at arealet mellom vegen og Breimsvatnet vert nytta til friluftsområde og småbåthamn, heiter det i framlegget til reguleringsplan.

<http://www.firdatidend.no/nyhet.cfm?nyhetid=3387>

Byggjer småbåthamn for 40 båtar

Av Jan Nik. Hansen, 08.04.08

Reed: Anleggsarbeidet på småbåthamna i Reedfjæra går for fullt. Det gjeld å kome lengst mogeleg før vårflaumen set inn. Hamna skal gje 40 båtplassar.

Rett før påske starta anleggsarbeidet så smått opp. Etter påske har arbeidet gått for fullt. På denne tida er Breimsvatnet på sitt lågaste, og det gjeld å stå på. Tre arbeidarar frå entreprenør Jostein Sunde AS frå Jølster er i arbeid med ein dumpers og to gravemaskiner. I tillegg vert det transportert stein med to store lastebilar.

<http://www.firdatidend.no/nyhet.cfm?nyhetid=4439>



Stor jakthelg for Hjelle jaktlag

Av Inger Haldis Aske Lothe, 05.11.08

Hjortejakt Hjelle jaktlag sikra seg seks hjortar i helga, og valdleiar Kjell Hjelle kan ikkje hugse at jaktlaget har skote så mange dyr i løpet av ei helg før. – Dette vart ei stor helg for vår del, seier han.

Det er seks bruk på Hjelle i Breim, og nær sagt heile grenda er med på hjortejakta. Interessa er svært stor, og rekrutteringa er god. Av ein kvote på 18 dyr har jaktlaget berre fire dyr att i år. I helga fekk dei tre koller, ei fjorkolle og to spissbukkar.

– Laurdag reiste nokre jegerar tidleg ut om morgonen for å sjå om det var hjort på bøane. Det var det ikkje, og vi tok difor turen til Våtedalen. Her såg vi ein del dyr som gjekk sør for Hjellestøylen, inn mot grensa til Jølster. Ein del jegerar sette seg på post kring støylen, medan resten reiste sørom og jaga dyra nordover. Dei som sat på post fekk i alt fire dyr i dette slaget, fortel Kjell Hjelle, og legg til at hjortane vart felte oppunder den bratte fjellsida.

Etter fjorten dagers anleggsarbeid tek den nye småbåthamna på Reed form.



Det var såleis eit stykke å dra dyra ned att.

– Vi har ikkje veg i dette området, så vi fann ut at vi skulle dra dei ned til elva og skaffe hjelp på andre sida for å dra dyra over. Vi vommer som regel ikkje hjortane ute i terrenget, og må difor få dyra raskt fram til slakteplassen, seier valdleiar.

– Dreg de ofte dyra over elva?

– Terrenget i Våtedalen er vanskeleg. Det er bratt, urete og der er mykje kjerr. Vi har difor drege dyr over elva tidlegare, men det skjer ikkje så ofte, seier han.

<http://www.firdatidend.no/nyhet.cfm?nyhetid=5077>

Hjortejakt blir millionbutikk

Mange stader på Vestlandet er den lokale hobbyjegeren på veg ut, skvisa av pengesterke jegerar som betaler godt for å få sleppe til. Eksplosjonen i hjortebestanden har gjort utleige av jaktrettar til millionbutikk.

Nils O. Førde på Byrkjelo i Gloppen er blant grunneigarane som satsar på hjortejakt som eit kommersielt opplevingsprodukt. Gymnaslæraren Førde står for utleige av tre jaktfelt på til saman sju tusen dekar og elleve hjorteløyve.

Hjå han kjem dei tilreisande jegerane bokstaveleg talt til duk og dekkja bord, og må stort sett berre stille med seg sjølv, eit gevær og gyldig jaktlisens.

Førde kan tilby husrom, mat, guiding, slakteplass, ettersøkshund og elles hjelp til det meste som er tilknytt jakta. Heile jaktperioden for 2005 vart utleigd i god tid.

<http://www.bt.no/lokalt/sf/article212726.ece>

Storauren skal lokke turistane

■ Fem vatn plukka ut i reiselivssatsing

■ Fiskekortsal på SMS

Jølstravatnet og Breimsvatnet er blant dei fem som er plukka ut i eit nytt statsstøtta reiselivsprosjekt. – Bonden skal få meir ut av verdiskapinga, seier Gunn Aase Moldestad (biletet), som har utvikla prosjektideen.

Side 7



(Firda 06.05.2008)

Inn på tunet



Er du interessert i å lære meir om INN PÅ TUNET? I så fall: møt fram på seminar på Skei Hotell 15. februar 2007 kl. 9.30-15.30.

I Gloppen driv Marit og Jon Molderstad dette tilbodet på Kvía i Breim, og som dei fleste sikkert hugsar, var orientering om dette tilbodet eit hovudpunkt under kronprinsparet sitt besøk i Gloppen sist haust.

Fylkesmannen i Sogn og Fjordane, Innovasjon Norge, Kommunenes sentralforbund og Høgskulen i

Sogn og Fjordane arrangerer eit seminar som tek sikte på å skape ein møteplass for kjøparar og tilbydarar.

Tilbydarane har uttrykt eit behov for fagleg påfyll. Dette vert og drøfta på seminaret.

Les meir om seminaret og meld deg på på vedlagde link.

Publisert av Jan Kåre Fure. Sist endra 22.01.2007

Link

 [Les meir om seminaret!](http://posccaesar.vestforsk.no/nb-NO/WebServiceDatasource/1687/Buopphald//detailed/1535/Tunet.aspx)

<http://posccaesar.vestforsk.no/nb-NO/WebServiceDatasource/1687/Buopphald//detailed/1535/Tunet.aspx>

Opnar bygdekontor i Breim

Magnar Heimset, 08.06.07

Gloppen: Kristin Sandal (24) i samarbeid med Breim Bygdeutviklingslag, opnar bygdekontor på Byrkjelo i morgon. – Eg er veldig glad i Breim og ønskjer å starte noko for meg sjølv som kan vere eit positivt tiltak i eigen kommune, seier den entusiastiske ungjenta frå Myklebustdalen.

Det har lenge vore aktuelt med eit bygdekontor i Breim. For halvtanna år sidan var det "Breim-storming" med føremål å få fram nye idear og tiltak. Ønskje om eit slikt kontor var ein av ideane som kom fram då. Det vart m.a. nedsett ei bygdekontorgruppe under Breim Bygdeutviklingslag med Reidar Moldestad som leiar, og denne har arbeidd vidare med planane som no skal realiserast.

Turistinformasjonen

Sandal fortel at turistinformasjonen på Byrkjelo ligg i botnen for satsinga på bygdekontor. Ein samarbeidsavtale med Reisemål Stryn og Nordfjord gav det faste grunnlaget som trongst for å setje i gong. Opningstida for turistinformasjonen vert utvida frå to til tre månader i sommar, og det er meininga å prøve å få til eit kontor med heilårsdrift. Då må naturlegvis tilboda kontoret gjev utvidast mykje.

Fire kategoriar

– Vi satsar på tenester innan fire kategoriar. Det er info, kreativ, kontor og turist, fortel Sandal. Ho har kalla etablisementet "Møteplass 138 moh" og håpar kontoret kan gjere det enklare og lettare å få ordna ting i eigen kommune. Ho gjekk vidaregåande skule i Bergen på linje for mediegrafikk, og har jobba som dekoratør for Hennes & Mauritz i Førde. Ho har og arbeidd hos Eurofoto på Reed der dei m.a. prøvar å utvikle stadrelaterte suvenirar.



Kristin Sandal (24) frå Breim er glad i bygda si og vil prøve å skape noko sjølv som kjem bygda og kommunen til gode. I morgon opnar ho bygdekontor midt i Byrkjelo sentrum der ho m.a. ønskjer å tilby servisetenester for lag, organisasjonar og føretak.

Lag og organisasjonar

– Vi prøvar å få til ein stad der bedrifter, lag og organisasjonar, og naturlegvis enkeltpersonar, kan få utført tenester innan kopiering, utforming av logoar, brosjyrar, dekorering av utstillingsvindauger og liknande. Det kan og vere ei oppgåve for kontoret å finne og kartlegge ledige tomter og husvære, og gjere informasjon om dette tilgjengeleg for folk som ynskjer å etablere seg her. Vi satsar og på å vere eit sørviskontor for folk som byggjer hytte i Breimslia eller andre stader i kommunen. Mulegheitene er mange, og vegen blir til medan ein går, hevdar Sandal, og ho tek gjerne i mot idear og ønskje frå publikum. Ho gler seg veldig til å kome i gong, men er sjølvstekt klar over at det blir ei utfordring å få

nok omsetning til at ho kan leve av det, i alle fall i starten. Det kan bli nødvendig med anna arbeid ved sidan av.

– Er optimist

– Eg er ung og fri og er optimistisk av natur. Dessutan er investeringane relativt små så eg kan våge å satse. Det blir spennande å sjå korleis det går. Det er viktig for meg å vise at det går an å få noko til, at det er muleg å skape noko sjølv. Då kan det vere andre ungdomar og som ser at det går an å skape seg ei framtid her og få lyst til å kome heim att etter utdanning, seier den unge gründeren.

<http://www.firdatidend.no/nyhet.cfm?nyhetid=3508>

”Møteplass 138 m.o.h.”

Av Bjørn Grov, 15.06.07

Leiar: Sist helg vart det nye bygdekontoret for Breim opna på Byrkjelo. Kontoret er eit resultat av tidlegare ”Breimstorming”, og utvikla vidare i eit samarbeid mellom Breim Utviklingslag og Kristin Sandal.

Ei ung kvinne som ønskjer å realisere eigne idear og utforme sin eigen arbeidsplass, med basis i bygdeutvikling heime i Breim. Det gjer ho gjennom eiga bedrift – ”Møteplass 138 m.o.h.”. Dette er spennande nytenking, sjølv om vi ikkje trur at vegen alltid ligg strak og brei og bein fram mot stormande suksess i denne typen arbeid. Å skape noko nytt, å utvikle eit så variert konsept som dette opplegget nødvendigvis må by på, er heilt opplagt ei utfordring. Men vi er overtydd om at her alt ligg så mykje konkret i botnen, t.d. turistinformasjon og ein del større arrangement, at grunnmuren er solid. Breim har i alle år vore fylkets sterkaste landbruksområde, og Gloppen har vore den største landbrukskommunen. I det kan det, så lenge jordbruket har gått rimeleg bra, ha lege noko konserverande. Ein har det bra som ein har det, o.s.b. At det har vorte langt tøffare tider for landbruket, kan det seiest mykje negativt om, men noko positivt som kjem ut av det kan vere at ein vert tvinga til å tenkje nytt, sjå nye mogelegheiter.

Dette tykkjer vi å merke, ikkje minst gjennom tiltak og idear som ”Breimstorming” og liknande ”tenkeboksar” i andre bygder i kommunen. Ein tenkjer i nye retningar, ser på moglegheitene i naturressursar, fritidstilbod og naturkvalitet. Breim Utviklingslag har mange spennande tankar om dette, har vi registrert. Kring Utvikfjellet og det store hyttefeltet i Breimslia utviklar det seg ein heilt ny arena, som vil inkludere mange ”nye innbyggjarar” i bygda i store deler av året. Det er spennande og framtidsretta.

Kva som kan utviklast både i Breim, som i resten av kommunen, er det berre fantasien som set grenser for. I slikt arbeid er det sjølv sagt ikkje alle prosjekt som kjem opp som i lengda vil vere liv laga, medan andre kan bli store suksessar. Slik er det alltid. Det viktige er å ha fokuset på slike prosjekt, som det kan ligge potensiale i.

Skal det gå framover, må ein sjå framover. Det er berre å ønskje det nye bygdekontoret og ny satsing i bygdene våre all lukke på ferda.

<http://www.firdatidend.no/nyhet.cfm?nyhetid=3525>

Kristin tek over etter Brynjulf

Av Inger H. Aske Lothe, 13.02.08

TV-aksjonen: Kristin Sandal overtek no jobben som fylkesleiar for TV-aksjonen etter Brynjulf Loen, som har leia i alt 20 aksjonar i Sogn og Fjordane. Då han skulle hjelpe til med å finne ein etterfølgjar, fall valet på 24-åringen frå Breim.

Då Brynjulf Loen las ein artikkel om at Kristin Sandal hadde flytta heim til Breim for å skape sin eigen arbeidsplass, håpa han på at 24-åringen hadde litt tid til overs. Og sidan han hadde samarbeidd med far til Kristin, fylkesordførar Nils R. Sandal, i ei årrekke, tenkte han at eplet sikkert ikkje fell så langt frå stammen.

<http://www.firdatidend.no/nyhet.cfm?nyhetid=4259>



Kristin Sandal skal leie TV-aksjonen i Sogn og Fjordane dette året, og overtek jobben etter Brynjulf Loen. (Foto: Nikita Solenov)

Byråkratar svinga saga

Dei kan meir enn å tolke finurlege lovformuleringar og forvalte pengar det er så altfor lite av. Fylkesskogsjef Oddmund Klakegg og skogbrukssjef i Gloppen, Jarle Hervik, drog den antikvariske saga med imponerende teknikk då dei opna den tre kilometer lange Urdavegen i Breim.

Av Svein Heggheim

Saga hadde ikkje vore i bruk på tiår, men gnikka seg gjennom furustammen ført av fire stødige hender, og akkompagnert av ein smule lått. Og vips var den nye skogsvegen til 1,5 million kroner bygd i mildt sagt ulendt terreng offisielt opna. Eitt år før planlagt.

Og Urdavegen ber sitt namn med rette. Den snor seg fram gjennom steinura i eit karrig terreng der det er nesten naturstridig å plante skog. Men forfedrene til dei 15 grunneigarane gjorde det like vel for mellom 40 og 60 år sidan. Fredag opna vegen som gjer det mogeleg å ta ut tømmermengder tilsvarande 320 einebustader.

Eitt år før tida

Den skulle nemleg stått ferdig først neste år, men ulike omstende gjorde at entreprenøren kunne gjennomføre prosjektet raskare enn venta. Dei offentlege midlane kjem derimot ikkje like raskt. Så langt har grunneigarane sjølve forskotert den millionen staten skal dekke.

– Utan tilskot er dette dårleg butikk, men vi håpar at midlane kjem, seier ein av dei 15 grunneigarane, Atle Støyva.

Bøndene har teke opp lån for å finansiere den statlege biten, og vart fredag fortalt at i alle fall den største delen av midlane kjem i løpet av 2005.

– Det lyt vi berre akseptere, seier Støyva.

Nok til 320 einebustader

Vegen løyser ut nær 16 000 kubikkmeter skog, tilsvarande materialforbruket i 320 einebustadar med husbankstandard. Ved å byggje stikkvegar kan nye areal løysast ut med tanke på uttak av meir skog.

– Eit godt prosjekt som vi ikkje hadde vanskar å godkjenne, seier fylkesskogmeister Oddmund Klakegg.

Han er den tredje fylkesskogmeisteren som har jobba med denne vegen. Eit faktum Atle Støyva ikkje unnlet å påpeike under opninga.

– Vi har alt slite ut to fylkesskogsjefar sidan planlegginga starta i 1997. Men med den tredje kom vi i mål, sa Støyva før han gav saga til Klakegg og Hervik.

<http://www.firda.no/nyhende/article815401.ece>

Skipar sogelag på Reed

17.03.07

Gloppen:Sogelaget historiske Reed vert skipa onsdag 28. mars.

Breim er ei bygd med interessant og rik natur- og kulturhistorie. Fordi Reed har hatt mange sentrale funksjonar i tidlegare tider, er det særleg mange historiske minnesmerke på eit lite område her. I bygda utanom Reed er det og mykje interessant, m.a. drifteveggar, andre vegtrasear og skuletufter. Føremålet med sogelaget er m.a. å ta vare på både minnesmerka ved Reed og historiske anlegg andre stader i bygda, merke dei og skaffe fram informasjon om dei. I tillegg vil laget arbeide med temakvelder og tematurar. Historiske Reed vil samarbeide med Gloppen sogelag og kommunal, fylkeskommunal og statleg forvaltning.

Set lokalsamfunnet i fokus i kyrkja

Av Aadne Gloppestad, 14.06.08

Breim: Søndag er det duka for ei litt spesiell familiegudsteneste i Breim kyrkje. Då set nemleg sogneprest Harald Forland og lokale hjelparar fokus på notid og framtid i Reed krins.

Fokus på dei nære tinga, korleis vi har det i dagleglivet og korleis vi ønskjer å ha det i lokalsamfunnet i framtida, er mellom spørsmåla sogneprest Harald Forland og lokale eldsjeler tek opp når dei inviterer til temagudsteneste i Breim kyrkje på søndag.

<http://www.firdatidend.no/nyhet.cfm?nyhetid=4662>

Bruker ny byggjemetode på Elvaneset

Av Jan Nik. Hansen, 19.01.07

Gloppen: Kandal Bygg AS har investert i ein jig for innandørs produksjon av seksjonar til husvære og andre typar bygg. I første omgang skal produksjonen skje på Elvaneset.



– Vi ønskjer å setje lokalsamfunnet i fokus, seier Ingemar Sårheim, Kari Jordanger og sogneprest Harald Forland. Dei er tre av hovudpersonane under temagudstenesta i Breimskyrkja søndag.



UTVIKLINGSBILDE I BREIM

Kva kjem ut av denne samlinga?



Håge Letha, Sandness:
- Eg trur folk vert oppretta og inspirerte og kanskje til og med berre til å begynne på noko nytt. Det er veldig finne folk her.



Bjørn Ege, Breim:
- Vi trur noko nytt, men det er inspirasjon og grobunn og styrke folk som har idear. Eg trur det har ein misjon. Det styrkar identiteten og gjer at vi står på. Og så trur vi fortale lara utfordringar vi har vore borte på å møte.



Jo Helge Sund, Breim:
- Det er bra at folk kjem i lag og trur felles inspirasjon. Det er ikkje berre pengar som gjeld. Men skolelag pågangsmot og entusiasme må til for at bygda skal overleve.



Terese Skarstad, Sandness:
- Det er inspirerende å sjå lara som nærer seg. No har vi sett folkes på problemet med å rekruttere arbeidskraft og folk. Det er viktig å få folk til å sjå at dette er ein bra plass å bu og at mange unge har flytta heim. Eg har berre berre i fire år og meiar at det er mange lara unge i Gloppen no.



Nils H. Sandal, Breim:
- Vi er medvitne på at ein må vere villeg til å yta sjelv og ta ansvar.



OVERSIKTSBILDE: Gjennom dans og sang overlevte Breimsbygda Dusi & Shampoo Quartet julekvelden i statsråd Heidi Grande Røys.

SAGT I BREIMSHALLEN

- Det er mange vakkert og lite vit i bygdeshallen.
Børger Arvid Andersen

- Det som vert noko som galskap, seier seg ofte å vere det som trøst. Røys felle i Breim bygdeshall.

- Holme er meir interesserte i å fortelle lara vi ikkje kan og må.
Ordførar Anne Mette Hjeltnes

- Om det er trøst for bygdeshall? Det er alltid trøst for utvikling. Ikkje minst i Oslo.
Statsråd Heidi Grande Røys

- Heidi, i år har regjeringa kalla landbruksoppheving for distrikt- og næringspolitikk og så det i samanheng med det som skjer alles i verda.
Arvid Andersen

- Gresslegg dette stykket: «Det skal bli spennende å sjå korleis dette går» understrekar. Dette går til holmen.
Arvid Andersen

Trakka på bygdedyr

■ Badekåpedans inspirerte statsråden ■ Mot og entu-

GLOPPEN: Breimsbygda Dusi & Shampoo Quartet kuppia innleinga til fornyingsminister Heidi Grande Røys for å overføre inspirasjon og styrke.

HEIDI GRANDE RØYS tekst og foto

Mennene i kvite badekåper dansa ein spennig og beisme-miljø rundt Heidi Grande Røys, medan dei song «Heidi! Heidi! Heidi!» då ho skulle innleiare temadagen om eit

SAKA

■ Breim utviklingsdag arranger- ta temadag for tredje gong laurdag.

vannare og villare lokalram- men.
- No er eg i alle fall inspirert til å komme til Breim, så den løst- berdele statsråden.

Flest kaffar per innbyggjar. Det handla om å dyrke stå- på- vilje, kreativitet, entusiasme og fellesskap, då Breim utviklingsdag

for tredje året på rad arrangerer temadag i Breimshallen laurdag.

- I fjor tok de eit oppgjær med bygdedyr. Men trass på det i alle fall ein gang til, for eg er sikker på at det ikkje er heilt dødt, sa bærskjef Arvid Andersen i Sparebanken Sogn og Fjordane, som arrangerer temadag i Breim har styrke og framtids- retta bedrifter.

- Og de har truleg flest kaffar i fylket, vis ein sammenliknar tal innbyggjarar. Det seier noko om kulturen her. De er sociale, la- san til.

Geoturisme og økologi

landbruk er andre viktige stik- kord frå temadagen.

Grøn bølge

- Eg trur slag og bioenergi vert sentralt i klimastyringa framover, sa Heidi Grande Røys, som også trur bevingene har mykje å berre ved å sette på geoturisme. Agnes Landstad i Vestlandfor- sking har også trå på geoturisme i Breim. - Det ligg store mogleg- heiter innan reisefor. Breim må velje profil, samarbeide tett og selje ein heil pakke. Eg trur dei må samarbeide berre enn berre Breim. Andre bygdelag har også